

## سباعية « وتجري الساعات »

عن قصة حياة نجم الكرة الراحل « محمد حازم »

كابتن الإسماعيلي واللاعب الدولي

### « الحلقة الأولى »

حازم: (يختتم الصلاة) السلام عليكم ورحمة الله وبركاته السلام عليكم ورحمة الله

..

الأم: حرماً يا ابني

حازم: جمعا يا حاجة

الأم: يا لا يا حبيبي الأكل جاهز .. تلاقيك واقع من الجوع

حازم: التمرين كان صعب قوي النهاردة دا غير علقه المواصلات

الأم: هتقولي على مواصلات شبرا .. خصوصا من ميدان التحرير

حازم: يا دوب عرفت اتشعلق في الأتوبيس بالعافية

الأم: مش الحمد لله كل شي ماشي كويس

حازم: المهم دعواتك يا ست الحبايب

الأم: دايم يا حبيبي بادعيلك انت واخواتك ربنا يقدرني واربيكم زي المرحوم

أبوك ما كان بيتمنى

حازم: (يتنهذ) بكره انشاء الله ربنا يكرمني وحقق كل اللي عاوزاه

الأم: بس اتجدعن انت في مذاكرتك

حازم: احنا متفقين طالما أن الكورة مش بتعطلني عن المذاكرة العب زي ما أنا عايز

الأم: انت دلوقت راجل وتقدر تتصرف بعقل وأكيد هتعمل اللي فيه مصلحتك

طارق: (وهو يدخل) ايه الحكاية يا حاجة احنا مش هناك ولا ايه أنا عايز الحق ارواح الكلية عندي تشريح النهارده

حازم: أرجوك يا سي طارق احنا حناكل بس بلاش تتكلم عن التشريح والجماجم اللي بتجيبها معاك البيت دي

طارق: دي لزوم الطب يا أستاذ يعني اسيب الكورة وأسيب الطب

حازم: يا سيدي خلاص انت تعلمها حكاية . يالا ناكل

الأم: وأنا هاروح اجيب لكم شوية مخلل من المطبخ

(على الطعام)

طارق: ايه يا أبو الكباتن اخبارك ايه مع الإسماعيلي

حازم: قلقان قوي يا طارق . النادي خلاص هيرجع إسماعيلية

طارق: يبقى دخلنا في الشحطة

حازم: بس أنا مش هياس ولازم أكمل معاهم

طارق: وتسافر كل يوم؟؟

حازم: انت ناسي انهم وعدوني امضي الاستمارات بعد اسبوع

طارق: وفكرت كويس

حازم: أنا حبيت المجموعة قوي

طارق: حازم خليك واقعي انت مش هتقدر توفق بين دراستك في الثانوية وبين

التمرين في إسماعيلية

حازم: هاحاول انظم أموري

طارق: على العموم أنا واثق في امكانياتك خد طبق الملوخية يا محترم وربنا

هيعدلها بإذن الله

## فاصل

(فاصل أصوات في شارع)

مدرّب: يا كابتن قولي لو سمحت

شاب: نعم

المدرّب: هوده شارع حسن بهجت

الشاب: أيوه عايز مين؟

المدرّب: تعرف محمد حازم اللي بيلعب في اشبال نادي الإسماعيلي

الشاب: اللي اخواته طارق وخالد؟

المدرّب: الحقيقة أنا أعرفه هو بس لكن فين بيته؟؟

الشاب: شايف البلكونه اللي فيها الغسيل اللي هناك دي هي دي شقتهم

المدرّب: متشكر قوي (أصوات الشارع فترة)

(دق على الباب وخطوات)

الأم: (فتح باب) أيوه يا بني فيه حاجة

المدرّب: والله انا عايز الأخ حازم يا ترى هو موجود؟

الأم: أقوله مين

المدرّب: أنا مدرّب أشبال نادي الزمالك وعايز اتكلم معاه شويه

الأم: اتفضل يا بني (الباب يغلق خطوات)

حازم: أهلا وسهلا يا كابتن .. شاي ولا قهوة

المدرّب: مش مهم بقي يا سيدي أنا عارف انك ولد جدع وابن بلد وخلينا نتكلم  
في المهم

حازم: تحت امرك يا كابتن

المدرّب: الحقيقة أنا شفتك في مركز شباب الجزيرة وانت بتتمرن مع الإسماعيلي  
وانشاء الله هبقي لك مستقبل كويس

حازم: ربنا يخليك

المدرّب: من غير مقدمات أنا جايلك عشان تلعب للزمالك وجايب لك معايا  
خمسين جنيه ربط كلام عشان تعرف أننا فعلا عايزينك

حازم: ياه خمسين جنيه . الحقيقة المبلغ بالنسبة لي يعتبر كنز وانا محتاج فعلا لمبلغ  
زي ده بس أنا ادبت كلمة لمدرّب الإسماعيلية

المدرّب: انت يا ابني غاوي شحططة دا الزمالك جنبك هنا وبعدين انت راجل  
بتاع كورة وعارف إن العملية ايه غير أهلي وزمالك

حازم: أنا مقدر اهتمامك به بس الحقيقة أنا مبسوط في الإسماعيلية ومش هقدر  
ألعب للزمالك

المدرّب: خلي بالك الخمسين جنيه اللى معايا ممكن تبقى ميه أو مية وخمسين لو  
حييت

حازم: معلش يا كابتن زيارتك دي اكبر عندي من الفلوس اللى انا محتاج لها  
فعلا

المدرّب: طب هاسيبك تفكر بينك وبين نفسك

حازم: أنا مفكر على الآخر والله إذا هما في الإسماعيلي قالوي مش عايزينك ساعتها  
العّب للزمالك وضميري مستريح

المدرّب: تحب تخلي الفلوس معاك لغاية ما تشاور عقلك

حازم: تحب انت تشرب شاي ولا قهوة؟

المدرّب: (وهو بتنهّد) انا مضطر امشي وربنا يوقفك

### فاصل

(أصوات مياه في الحمام وأصوات حركة اللاعبين)

حازم: ايه يا عمده الحاجات دي كلها المدرّب هيتنطط بيك

عماد: ولسه

حازم: لكن قولي تفتكر انا غلطان لما سبت من ايدي فرصة اللعّب للزمالك

عماد: بالعكس ده أنا لو مكانك كنت هاقول لا ولو أن الخمسين جنيه حلوين قوي

حازم: المشوار طويل قدامنا يا عماد ولازم نوفق بين الدراسة والسفر للإسماعيلية

عماد: طول ما البيجو موجوده ما تحملش هم ساعة ونص تبقى هناك

حازم: ما عندكش فكرة أنا باحب الفانلة الصفرا بتاعة الإسماعيلي قدا ايه

عماد: لكن يا ترى الجيل الموجود دلوقت يقدي حافظ على اسم الدار و عيش  
ومجدهم

حازم: ليه لا .. الدنيا مستديرة والكورة مستديرة

عماد: يا اخي كان نفسي اشوف جارنيشا وهو يلعب أنا سمعت عنه كثير بيقلوا  
كان حاجة خطيرة

حازم: انت ممكن تبقى زيه ليه لا ؟

عماد: يا عم صلي على النبي خرينا نبص على قدنا .. ده بتاع البرازيل

حازم: بكره تشوف اسمك وصورك في الجرايد كلها ومانشيتات كبيرة عماد  
سليمان راح عماد سليمان جه

عماد: وافته يقولوا عليك ايه ؟

حازم: (بلغة مرحة) أخوك بالصلاة النبي ما حدش يقدر يجيب سيرته  
(ويضحكان)

### فاصل

خالد: (ينادي) يا حازم .. حزوما

حازم: ايه يا خالد فيه حاجة ؟

خالد: بتعمل ايه دلوقت ؟

حازم: شوية مذاكرة

خالد: مفيش سفر إسماعيلية ؟

حازم: النهاردة لا

خالد: طب البس هدومك وتعالى معايا أنا رايح النادي الأهلي

حازم: (بدهشة) الأهلي . ازاى الكلام ده

خالد: ناويت ألعب هناك

حازم: والزمالك !!

خالد: ولا يهملك !!

حازم: هتدخل في مشاكل احنا مش عايزينها

خالد: ولا مشاكل ولا حاجة أنا على كفيي العب في المكان اللي يعجبني

حازم: عارف يا خالد انا ساعات بحس انك واخذ المسالة تسلية

خالد: طب ما هي تسلية لأنى انا راسم على حاجات كتير أنا عايز أطيّر عايز أسافر

ألف الدنيا

حازم: والدراسة ؟

خالد: أوروبا يا حازم .. فيها الناس والدنيا يا هوووه .. ياللا بينا

حازم: يا عم روح انت لوحدك أنا عايز أخلص مذاكرة وبعدين أنا لابتاع اهلي ولا

زمالك أنا خلاص حددت هدفي

خالد: يبقى بتضحك على نفسك ، انت فاكركورة لوحدك ممكن تأمن مستقبلك

الليبية الا انت بتشوفهم دول ماشيين بالصيت ولا الغني وريش

على مفيش

حازم: يا بني انت لعيب كويس وبلاش تضيع وقتك بين الأندية استقر بقى واعرف

لك سكه

خالد: أخوك لو استقر يبقى عليه العوض أنا سندباد أحب الطيران والسفر ما  
حبش القعدة

حازم: طب عن اذنك يا طيار

خالد: تعالى وطاوعني

حازم: يا سيدي اتكل على الله ، انا كده مبسوط على الآخر

خالد: مبسوط بالملايم اللي بتاخذها

حازم: عن اذنك يا عصفور

فاصل

(في الشارع)

حازم: انت دايمًا كده مواعيدك بمب

عماد: أول ماجيت من المدرسة وحضرت شنطتي

حازم: تقدر تقولي هنلحق نساfer إسماعيلة ازاى؟

عماد: هندخل على موقف احمد حلمي ونساfer

حازم: يا سلام يا أخي على دمك الخفيف انت عارف الساعة كام دلوقت؟

عماد: واحدة ونص

حازم: وهنلحق التمرين بالشكل ده

عماد: ياذن الله هنلحق بس ياللا بينا

حازم: مفيش عربيات بيجو النهاردة الخميس والموقف زحمة على الآخر

عماد: يا سيدي ما تزعشش تعالى ناخذ الأتوبيس

حازم: يبقى هنوصل الصبح

عماد: يا عم انت هتقفلهاليه

حازم: ياللا نتصرف مفيش وقت

عماد: يبقى لازم يا ناصح تشوفلنا عربية بييجو قبل ما تدخل الموقف

حازم: اهو ده الكلام وبكره يبقى عندنا عربيات ما تحملش هم المواصلات

عماد: خيلنا في النهاردة وتاني مرة نبقي تضبط مواعيدك مش محسوب عليا في

الرايحة والجاية

حازم: شفت بيقولوا علينا ايه ؟ . ناكر ونكير عشان دايم مع بعض

عماد: (ضاحكا) انت هتحكلي لي قصة حياتك حط شنطتك على ظهرك وبالا لا بينا

يا سيدي

حازم: أحبك يا عمده (هاتفًا) الحق يا ونج وافتح البرجل البيجو ظهرت

(صوت الشارع F.O)

فاصل

الأم: ايه يا نهاد خلصتي الحاجات اللي في المطبخ

نهاد: أيوه يا ماما داخله احضر نفسي عشان نازله رايحة الكلية

الأم: وانت يا طارق ما عندكش محاضرات النهارده ؟

طارق: فيه حاجة ماما؟

الأم: عايزاك تنزل معايا عشان تصرف المعاش

طارق: أنا عامل حسابي على كده

الأم: يبقى لازم محتاج مصاريف

طارق: الطب بقى يا ست الكل ومع ذلك هانت وربنا يسهل واخف الحمل عنكم

الأم: خليها على الله يا حبيبي ولا تحمل هم لكن قولي يا حبيبي ايه الحكاية اللي اخوك خالد عاملها في النادي

طارق: أنا حذرتة لكن ما سمعش كلامي وراح لعب للأهلي قبل ما ياخذ الاستغناء من الزمالك في ايده وكانت النتيجة لخبطة ملهش أول من آخر واديهم وقفوه عن اللعب

الأم: عشان كده راكب راسه ومصمم يسافر

طارق: أنا حاولت أشيل فكرة السفر دي من دماغه وممكن الموضوع يتحل بسهولة

خالد: (يتدخل من بعيد) أنا يدوب اخلص امتحانات السنة دي وأطير على لندن

طارق: وبعد ما تسافر؟

خالد: أجرب حظي وأشوف دنيا غير الدنيا

الأم: يا بني خالص جامعتك وسافر زي ما تحب

خالد: يا مام أنا رايع أجس النبض وهيكون معايا ناس اصحابي ومعانا عناوين

ناس يعرفوهم يبقى اطمني وادعيلي ان ربنا يوفقني

(دق على الباب بعنف)

طارق: مين اللي بيخبط بالشكل ده (الدق على الباب)

الأم: روح افتح يا طارق وربنا يستر !!

### الحلقة الثانية:

(دق عنيف على الباب)

الأم: روح افتح بسرعة يا طارق (خطوات ويفتح)

حازم: (وهو يصيح بفرحه) خلاص يا ماما .. خلاص هاتمرن مع الفرستاييم

الأم: يعني ايه يا حبيبي؟

حازم: يعني هلعب مع الفريق الكبير (ثم بعد لحظة صمت موضحًا)

:شافني في التمرين الخواجة طوسون مدرب الفريق الكبير قال هاتو الولد ده

ورحت موضب كرتين حلوين لعهاد سليمان ... قال هاتوا الواد ده كمان

بالإنجليزي طبعًا ...

طارق: دي .. خطوة هايه يا حازم .. بس خالي بالك .. العملية مش سهلة .. كفاية

هتمرن مع على أبو جريشه .. والسكة صعبة

حازم: قول يا رب .. أنا النهارده حطيت رجلي على بوابة سلم النجاح ...

الأم: واحده واحده .. يا حبيب قلبي

حازم: مفيش حاجة اسمها واحده واحده يا ست الحبايب .. الدنيا لازم تتأخذ كده

(يقبل والدته)

الأم: يا ولد بلاش شقاوة ...

حازم: باحبك قوي .. يا احسن أم في الدنيا .. بكره العالم بتاعه الأهلي والزمالك  
تعرف قيمتنا .. احنا الدراويش .. وغيرنا مفيش

خالد: قريت فيها يا خويا .. لا طلنا أهلي ولا زمالك

طارق: البيه خلاص هيطير على لندن

حازم: (ضاحكاً) مستر خالد .. نتمنى لك إقامة سعيدة في امبراطورية بريطانيا  
العظمى

خالد: إن شاء الله هدوم الكورة بتاعتك .. هتكون من لندن من شارع اكسفورد

حازم: اللي عطاك يعطيني يا أبو خالد

الأم: يلا يا حبيبي خش غير هدومك الأكل جاهز على التريزة ...

حازم: والسلطات والذي منه

الأم: وكل اللي انت عايزه .. أنا نازلة مع طارق نصرف فلوس المعاش

حازم: (يتنهد في أسى) بكرة ربنا يفرجها والمعاش ده يكون اخر حاجة نفكر فيها

الأم: ربنا يوفقكم كلكم

## فاصل

حازم (وهم يجريان) الراجل قطع نفسنا (وهو يلهث)

عماد: شد حيلك يا محترم .. التمرين في أوله

حازم: ادي بقى عيب ان الواحد يكبر قبل الاوان ... (يضحك) تعالى ...

نقول لهم عايزين .. نفضل في فريق ١٧ سنة

عماد: روح قولهم يا فالح .. قولهم احنا عيال (يضحكان)

صوت: (من بعيد ينادي) محمد حازم .. يا عماد يا سليمان تعالوا بسرعة

الخواجة طومسون عايزكم ..

عماد: عاجبك كده .. أكيد هيقلولنا ارجعوا تاني زي .. ما جيتم

حازم: قول يا رب (وهما يلهثان)

طومسون: اسمعتوا خبيبي كلامي .. انت تحتاج برنامج اسبشيل عشان تلعب

فرست تيم ..

حازم: انت مين يا خواجه .. أنا ولا هو ؟

طومسون: انت ... انت

طومسون: انتو مش يعرفوا عربي .. أن عايز نقول انت .. انت .. يعني اتنين

صوت: الخواجة يقصد انت وهو

طومسون: بس .. بس .. انت وهو

حازم: تحت امرك يا كابتن

عماد: قوله يا كوتش عشان يعرف اتنا بنفهم انجليزي ...

حازم: يا اخي انت بتنجح في الانجليزي بقدرة قادر ...

طومسون: سمعتوا كلامي .. فيه واحد بروجرام مخصوص ...

حازم: تحت أمرك يا كوتش ...

طومسون: عشان كده مفيش كايروا إسماعيلية ... فيه إسماعيلية بس ...

حازم: ايه يا كابتن الموضوع ؟ الخواجه بيتكلم جد

الصوت: ده لمصلحتكم .. طبعاً الراجل عايز يجهزكم عشان تلعبوا في اقرب فرصة مع الفريق الكبير ولازم تحافظوا على الفرصة دي ...

حازم: بس الامتحانات على الأبواب

الصوت: يا سيدي .. اتصرفوا .. عايزين تمسكوا الدنيا كلها في ايديكم

عماد: وهنقعد هنا في النادي ؟

الصوت: تجيبوا الكتب و تذاكروا هنا ولو احتاجتم دروس ولا حاجة نجيب لكم مدرسين

حازم: ممكن تجيبوا مدرسين .. بس مش ممكن تجيبوا لنا مدرسة علشان الحضور والغياب .. يياثروا علينا في أعمال السنة

طومسون: مفيش بروبلم ...

حازم: لا يا كوتش .. مفيش بروبلم .. مش كده يا عماد

عماد: لا بروبلم .. ولا يحزنون .. وكل بروبلم وله حلال ...

### فاصل

الناظر: انت يا بني بتكلم على كيفك .. دا لعب عيال

حازم: يا حضرة الناظر ارجوك تسمعني

الناظر: اسمعني انت يا أخي .. انت جاي تكلمني عن أسبوع اجازة .. كأنك

موظف عندنا وناسي انك طالب وان الحضور والغياب عنصر اساسي في

نجاحك

حازم: يا فندم أنا فاهم كل حاجة .. بس دا مستقبلي الكروي ...

الناظر: تكون فاكر نفسك صالح سليم .. يا بني انت لسه لاعب صغير ..

حازم: ماهو لو حضرتك ادتني الفرصة ممكن أبقى لعيب كبير الخواجة طومسون  
ناوي يلعبني مع الفريق الأول للإسماعيلي

الناظر: شوف يا ابني .. انا قلت كل اللي عندي وما أقدرش افطر في مستقبل طالب  
عندي عشان عيون الإسماعيلي ...

حازم: وماله الإسماعيلي يا حضرة الناظر

الناظر: كام مرة أخذ الدوري .. كام مرة اخذ الكاس ...

حازم: كفاية انه أول فريق ياخذ كاس أفريقيا حضرتك ما سمعتش عن الدراويش  
فريق المثلاث ..

الناظر: والأهلي؟

حازم: الشياطين الحمر

الناظر: برافوا عليك يا ولد .. كنت فاكرك هتلبخ

حازم: حضرتك أهلاوي بقى .. وباين عليك كنت رياضي قديم

الناظر: رياضي ايه يا ولد .. بلاش كلام فاضي .. احنا كنا بنقول ايه؟

حازم: كنا بنقول ان حضرتك هتساعدني

الناظر: لا كنا بنقول حضرتك هتساعد نفسك .. بنفسك

حازم: يعني اسافر إسماعيلة وانا مطمئن ...

الناظر: اذا كنت هاتذاكر هناك .. يبقى مفيش مانع

## فاصل

الأم: (وهي متأثره لسفره) خلاص يا حبيبي جهزت كل حاجة

خالد: ايه يا ماما واخده الموضوع جد قوي .. كده ليه

الأم: لانك مش هتقدر تحس بقلب الأم

خالد: أنا مقدر شعورك بس الواحد لازم يشوف الدنيا .. اللي حواليه مش معقول

يفضل مزروع هنا

طارق: افكر المناقشات دلوقت .. مفيش منها أي فايده

حازم: الله ينور عليك يا دكتور .. أهو كده صوت العلم بيتكلم

انت ماللكش في الطيب نصيب .. يعني لو صبرت على رزقك في نادي

الزمالك ولا في الأهلي مش كان النهاردة وضعك اتغير ..

خالد: يا سيدي عايزين وضعك انت يتغير .. في الإسماعيلي بس إمتى؟!!

الأم: خد بالك من نفسك .. واوعى تنسى اللبس الشتوي .. يا حبيبي .. يقولوا ان

لندن برد وتلج

خالد: أخذت يا ماما ...

نهاد: أظن هتبقى كسول في كتابة الجوابات زي عادتك

خالد: وحياتة أحلى اخت في الدنيا ما حيكون ورايا شغل غير الجوابات ...

حازم: مش عايز تبطل أونظه خالي بالك في لندن ما يعرفوش الشويتين بتوعك ..

خالد: لو سمحت يا ماما تعالى اقفلي الشطنة بايديك الحلوة المبروكة لغاية ما لبس

هدومي .. أحسن ميعاد الطائرة قرب ..

الأم: انا هاجي معاكم المطار يا خالد

خالد: لا مفيش داعي للتعب يا ماما .. البركة في الأخوة الأعزاء طارق وحازم

حازم: يلا يا سيدي .. التاكسي جاهز على ناصية الشارع بعد ربع ساعة

خالد: وانا دايمًا احب العيال الجاهزة .. والله شبرا هتوحشني وخصوصًا قهوة عبد

الهادي ...

الأم: لا إله إلا الله

خالد: محمد رسول الله

الأم: خالتي بالك من نفسك يا حبيبي

خالد: خليها على الله يا امي .. خليها على الله

### فاصل

عماد: (في الشارع ... واقف يكلم نفسه)

الساعة ... انتاشر ونص ... وحازم معاده ... الساعة انتاشر وعمره ما أتاخر كده ..

دايمًا أنا اللي باتاخر يا ترى حصل ايه ؟

(الشارع) يا ترى هو اللي جاي هناك .. ده لا مش هو .. (الشارع) بالطريقة

ده مش هنلحق التمرين والخواجة أكيد هيرطن .. بالعربي والانجليزي

ويصيح ..

حازم (مناديًا من بعيد) عماد .. عماد

عماد: (وكأنه افاق من النوم فجأة) ها .. مين .. حازم .. اخيرا وصلت ..

حازم: (صوت الشارع في الخليفة) لولا متأكد من وقوفك ماكتش جيت ..

عماد: حصل ايه ؟

حازم: طارق بيذاكر عند جماعة .. أصحابه عشان عنده امتحانات .. وخالد زي

مانت عارف سافر لندن من أسبوعين .. ومفيش غير نهاد وماما لوحدهم

وماقدرش اسبيهم غير لما يرجع طارق ...

عماد: والتمرين والخواجة طومسون..؟

حازم: انا زهقت بصراحة .. من يوم ما لعبنا ماتش القناة مع الفريق الأول .. ما

شفنهاش تاني

عماد: انت ناسي كمان أنه كان ماتش ودي ..

حازم: ١١ يناير سنة ١٩٧٧ هو التاريخ بالضبط .. فاكراه .. وعمري مانسأه ..

عماد: وهو ده تاريخ يتنسى .. بس المهم هنلعب امتى الماتشات الرسمية في

الدوري

حازم: ابقى قابلني .. يا عم احنا في وسط لعب كبار ومش هنشمها كده بالساهل

عماد: انت ليه هتخليني أياس أنا كمان

حازم: المهم .. سافر انت دلوقت وانا إذا قدرت احصلك هاحصلك ..

عماد: تلاقك قلقان عشان النتيجة ...

حازم: طبعا قلقان .. بس أنا بصراحة مش قادر اسبيهم لوحدهم في البيت

عماد: واخرتها؟

حازم: مش عارف .. يا عماد الواحد كان طائر وكان بيحلم بحاجات كتير ..

ويظهر ان الحلم كأنه لعبه على الطائر ..

عماد: انا جت لي فكرة .. ايه رايك طارق يقعد يذاكر مع اصحابه في البيت

حازم: فكرنا في الحكاية دي .. بس البيت ضيق ومش هيبقوا على راحتهم

ماتنساش ان نهاد هي كمان عندها امتحانات في كليه التجارة

عماد: انت طول عمرك كده هتفضل شايل هم العيله

حازم: بابا الله يرحمه عودنا نتحمل المسؤولية أنا واخواني وبعدين قدرنا وكل شيء

مكتوب

عماد: ونعم بالله ... المهم هتصرف ازاي دلوقت؟

حازم: سافر انت وبلغهم اني عيان وبعدين احصلك

عماد: بس لو عرفت حاجة عن النتيجة تبلغني بالتليفون ..

حازم: ودي برضه حاجة ينفع فيها التليفون يا عماد .. مع السلامة

## فاصل

(صوت الشارع)

صوت: عندك واحد سحلب للأستاذ مصطفى العجلاتي

واحد قهوة .. مضبوط .. واتنين شاي ميزة حليب بوسته

حازم: صباح الخير ياسيكا

سيكا: صباح الخير يا كابتن .. الشاي ولا قهوة

حازم معلش مش فاضي .. اخبار الشله ايه؟

سيكا: كانوا كلهم هنا امبارح وبيسألوا عليك تحب أبلغهم حاجة

اما فين المعلم عبد الهادي

سيكا: قاعد على الكيس جوه

حازم: ابقى سلم لي عليه

عبد الهادي: (مناديًا) ما تيجي انت بنفسك تسلم على عمك عبد الهادي

حازم: لا مؤاخذه يا عم عبده

عبد الهادي: تعالى أنا عندي ليك خبر طازه

حازم: ايه يا ترى؟

عبد الهادي: الراجل اللي قاعد هناك ده ... هو اللي هيلغك بنفسه !!

(نهاية الحلقة)

الحلقة الثالثة:

«زغروطه كبيرة من الأم»

الأم: الف مبروك يا حبيبي عقبال الثانوية العامة وتدخل الجامعة

حازم: قولي عقبال ما لعب في الدوري الممتاز

الأم: الصبر جميل والصابرين بخير

حازم: كلامك ده يا أمي هو اللي بيديني الأمل

الأم: شفت بقى ان النجاح في الدراسة أهم شيء في الدنيا كلها

حازم: قصدك ايه يا ست الكل

الأم: قصدي تروق بالك وتأخذ الأمور بهدوء وساعة الفرصة ما تجليلك ما حدش

هيقف في طريقك

حازم: فعلا كل شيء نصيب وكله بإرادة ربنا . بس اللي بيضايقني اني مركون

عالخط الاسم اني باتمرن مع الفريق الكبير لكن ما بلعبش معاه

الأم: أنا مش فاهمه انت مستعجل على ايه انت ناسي ان عمرك لسه ١٨ سنه

والمستقبل قدامك يا روح قلبي وبكرة تحقق كل اللي بتحلم بيه . انا شابفه

لك رؤية حلوة خالص

حازم: صحيح يا ماما

الأم: صحيح يا حازم . واديك نجحت في مدرستك وإن شاء الله هتنجح في الملعب

(ساعة)

حازم: ياه الكلام اخدنا والساعة بقت عشرة

الأم: خير يا حبيبي

حازم: انا عندي ميغامع عماد سليمان في موقف احمد حلمي عشان نسا فر إسماعيلية  
النهاره

الأم: يا ابني أنا خايفه عليك من العربيات البيجو

حازم: يا ست الكل الأعمار بيد الله وعمر الشقي بقي وبعدين البيجو سبعة راكب  
وانا واحد من ضمن الركاب

الأم: وماله الأتوييس يا ابني

حازم: الواحد مستعجل والأتوييس رايق قوي

الأم: يا سيدي اركب الأتوييس السريع

حازم: قولي يارب

### فاصل

(أصوات المقهى والشارع)

عبد الهادي: صباح الفل يا دكتور طارق

طارق: اهلا يا عم عبده

عبد الهادي: مفيش عندك ولو تلت دقايق نتكلم كلمتين مع بعض

طارق: خير

عبد الهادي: الحقيقة فيه ناس كلموني على ماتش كوره شراب تلعب انت وحازم

مع ثلاثه من هنا واللعب في ميدان الخلفاوي

طارق: نفسي اللعب طبعاً بس انت عارف ظروف الدراسة والامتحانات جايه و

انت عارف ظروفنا يا عم عبده

عبد الهادي: ربنا يقويك وتأخذ الشهادة . و أنا عارف انك لسه بتحب الكوره

طارق: طبعا طبعا بس أنا شطبت خلاص

عبد الهادي: مين اللى قال كده هو الكابتن طارق حد ينسأه ملك الكورة الشراب

من شارع حسن بهجت وشبرا معلش أصل الدنيا حظوظ دانا باشوف

لعييه درجة اولى ما يعرفوش يوقوفها وحياتك

طارق: دلوقت بصراحة مفيش في دماغى غير الطب وبس

عبد الهادي: بإذن الله هتبقى أحسن دكتور

طارق: في شبرا برضه (يضحك)

عبد الهادي: مش بعيد على ربنا الله يرحمه والدك كان راجل زي السيف من ساعة ما

سكن هنا لغاية ما ربنا افتكره عمر ما زعل حد ولا حد زعل منه الله يرحمه

طارق: الله يرحمه علمنا حاجات كتير قوي يا عم عبده كان دايمًا يوصينا بالصلا

ويقول لنا الراجل كلمه ويا بخت مين تحبه الناس ويحبهم

عبد الهادي: عشان كده اللى خلف ما ماتش والبركة فيكم

طارق: عن إذتك يا عم عبده احسن المواصلات دلوقت على الآخر

عبد الهادي: الف سلامة يا دكتور (الشارع)

## فاصل

(أصوات في الملعب)

أبو جريشه: يناديه حازم .. حازم

حازم: ابوه يا كابتن على .. تحت امرك

على: ايه يا بني مالك انت مش في الفورمة بقالك اسبوعين

حازم: عندك حق يا كابتن مش معقول هاخبي عليك انت لعيب كبير وتقدر تفهم

نفسية اللاعب ومستواه من غير ما يتكلم

على: بس انا بقى عايزك تتكلم اعتبرني يا أخي زي الدكتور طارق

حازم: يا سلام يا أبو الكابتن هو أنا في ديك الساعة لما يبقى أخويا الكابتن على ابو

جريشه فاكهة الكورة المصرية

على: المهم ايه اللي مضايك ؟

حازم: قلقان يا كابتن

على: عشان ما لعبت غير ماتش واحد مع الفريق الكبير مش كده

حازم: تقريبًا دا غير تفكير في الثانوية العامة ودخول الجامعة ومسئولية الدراسة

والتمرين

على: انت هاتشيل الدنيا فوق دماغك مرة واحدة

حازم: طول عمري احب تحمل المسؤولية

على: بالأسلوب ده هتعجز قبل الاوان المطلوب منك اليومين دول تتمرن وبس

وتدي كل اللي عندك ووقت ما يقولك الخواجة طومسون او كيه تبقى أو كيه

حازم: هاحاول يا كابتن

على: عموماً أنا مسلط عليك أمين الشرطة الثاني بتاعك

حازم: تقصد عماد سليمان

على: نصك الثاني

حازم: ورفيق المشوار والطريق والملعب من سنة ٧١ واحنا مع بعض من أيام

مركز شباب الجزيرة

على: المهم دلوقت مش عايز اشوفك مبلم انت لعيب كويس والأيام جاية كتير انا

ياما قعدت على دكة الاحتياطي لغاية ما فكرت اخدت الدكة ارميها بره

النادي

حازم: كلامك ريحيني قوي يا كابتن على وانشاء الله أكون عند حسن ظنك

### فاصل

(مقطع من اغنية « سواح وماشي في البلاد سواح »)

نهاد: ايه يا محمد سرحان في ايه

حازم: في الثانوية العامة يا حضرة المحاسبة

نهاد: بقى الكلام ده على اختك برضه

حازم: ياه انتي عقلك راح لبعيد قوي يعني عشان باسمع عبد الحلیم يبقى فيه

حاجة ، يا ستي أنا مفيش في دماغى غير الكورة والثانوية العامة وبس

نهاد: طيب يا سيدي الشاي ايه

حازم: قوليلي يا نهاد انتي عاملة ايه في الكلية؟

نهاد: عال قوي

حازم: وعشان انتي امورة وبتسمعي الكلام وبتذاكري كويس افتحي درج

الشوفينيرة اللي قصادك وشوفي بنفسك

نهاد: ايه عاملي مفاجأة

حازم: يا ستي ولا مفاجأة ولا حاجة دي حاجة كده على ما قسم

نهاد: (تفتح الدرج) ايه ده يا حبيب قلبي بلوزة شيك قوي دفعت فيها كام؟

حازم: اربع أجوان عجبا الخواجة طومسون وأخذت مكافأة

نهاد: ربنا يخليك ليا يا احسن أخ في الدنيا

حازم: حاجة على الماشي يا نهاد ولسه التقليل جاي بعدين

نهاد: قلبي حاسس انك هتكسر الدنيا يا بوحميد

حازم: والكابتن على ابو جريشة برضه قلبه حاسس كده

نهاد: بتكلم جد

حازم: اه والله وقالي نفس الكلام

نهاد: احساسه في محله

حازم: المهم التوفيق من عند ربنا

نهاد: المهم دلوقت تشرب الشاي قبل ما بيرد (صوت الأغنية يعلو) والمهم كمان

توطي صوت الراديو شويه عشان طارق بيذاكر وانت عارفه عايز هدوء

يذاكر فيه

حازم: كل شيء يا نهاد عايز هدوء

نهاد: مع اننا في عصر السرعة

حازم: والدليل على كده اني كل يوم رايح جاي على الطريق السريع مصر  
الإسماعيلية

(يستمر الغناء لفترة هادئا)

الأم: هامسه طارق . طارق

طارق: ايوه يا ماما

الأم: خش يا حبيبي شوف اخوك حازم ماله

طارق: تلاقيه بيذاكر ما انتي عارف الثانوية العامة وهو نفسه يدخل كليه الشرطة

الأم: ما أنا عارفه انه بيذاكر بس صحته مش عجباني يا بني ودقته طويلة وهفتان

طارق : اصله معسكر

الأم: يعني ايه معسكر ؟

طارق: يعني عامل لنفسه معسكر زي بتوع الجيش ولما ينتهي من الامتحانات

هيحلق دقته ويفرفش زي الأول واحسن

الأم: يا بني تلاقيه زعلان من النادي

طارق: انا متأكد ان حازم مش زعلان في النادي ولا حاجة لأن أخباره كلها عندي

انتى ناسيه ان حازم صاحبي ومش مجرد اخ وبس

الأم: ربنا يخليكم لبعض يا حبيبي بس عشان خاطرني خش شوفه

طارق: هادخل اشوفه وألا اشوف كوبايه الشاي اللي على البوتاجاز

الأم: انا اشوفلك الشاي وانت شوف اخوك يمكن يحب يشرب شاي معاك

طارق: امرك يا ست الحبايب (خطواته وصوت باب يفتح)

حازم: (يقرأ قواعد النحو بأسلوب من يذاكر) ويمكننا أن ندرك الفرق بين الفكرة

المقصودة والفكرة غير المقصودة إذا تصورنا شخصا يستغيث إن كان

امامه رجل وهو يقصده بالنداء فإنه يقول . يا رجل انقذني وهذه هي الفكرة

المقصودة وإن لم يكن أمامه أحد من الرجال فإنه يستغيث باي رجل

طارق: (يتدخل في الدرس بأسلوب ضاحك) الحقوني . الحقوني

حازم: (ضاحكا) اهلا يا طروق ايه انت واقف من بدري ولا ايه؟

طارق: من أول الفكرة المقصودة

حازم: تلايقك نسيت العربي

طارق: كفاية علينا الفسيولوجي والعضوية والتشريح

حازم: طب اقعد

طارق: لا أنا مش هاعطلك انا جاي اظمن عليك بناء على أوامر ماما يا أخي احلق

دقنك وريحها

حازم: انا متضايق منها لما بتطول بس لازم أسببها عشان احس بأن فيه حاجة غير

عادية في حياتي

طارق: كله عشان الثانوية العامة

حازم: تصدق بالله الواحد اترعب من الكلام اللي بيكتبوه عن الثانوية العامة مع انها

عادية

طارق: يمكن عشان بيعتبروها مربوط الفرس اما تدخل الجامعة الى انت عايرها

واما

حازم: مقاطعا انشاء الله انا ناوي على الشرطة دوغري

طارق: طب شد حيلك يا سيادة اللوا (ضحكات)

### فاصل

طومسون: (الملعب) كله يلعب من أول لمسة تجري وتديها لزميلك بسرعة يلا

اكشن عايز أشوف حركة .. كله يجري (يصفر)

صحفي ١: هي حكاية الخواجة طومسون ده ايه؟

٢: مش عايز يدريك أخبار!

١: مش قصدي انا مستغرب ازاي يبقى عنده اتنين لعيه عفاريت زي حازم وعماد

سليمان ويركنهم على الخط

٢: يا سيدي الراجل عارف ظروف كل ماتش وأكيد هيدهم الفرصة في الوقت

المناسب

١: طب أنا عايز تحكم انت بنفسك بص كده شايف الاستايل بتاع الواد حازم

شوف بيستلمها ازاي .. شوف بيتصرف في الكوره ازاي

٢: يا سيدي انا فعلا معجب بيه ومراقبه وأظن انت فاكتر الموضوع اللي

عملته في مجلة القناة

١: انا قلت لعللى ابو جريشة يخلي باله منه والحقيقة على مش متأخر في

الناحية دي

٢: عشان كده الولد ده لازم ياخذ فرصته اللعيه الكبيرة بتشطب وخلي

بالك سنة صغيرة

١: وواد راجل قوي سواء في الملعب أو بره

٢: الله هي ايه الحكاية بالضبط؟ هوانت مستشاره الإعلامي

١: انا يدوب حازم وعماد باعرفهم معرفة سطحية وعشان ابقى صادق في حلفاني يمكن كلمت حازم مرة واحدة وكانت باي لاك بالصدفة (صوت صفارة)

طومسون: كويس قوي يا كابتن التمرين فري جود «يا ريت شوف كل اللي قولته في الملعب الماتش الجاي مع السويس في ملعبه ومش سهل بالمره

٢: التمرين خلص تعالا نسأل الخواجة عن تشكيل الفريق عشان تلحق تمليه بالتليفون للجورنال والأهرام ونعرف ايه الأخبار؟

١: اهلا اهلا يا خواجه

طومسون: فري نايس بطريقتكم الحمد لله

١: يا ترى ايه التشكيل اللي هتلعب بيه؟

طومسون: زي كل مرة

٢: يعني مفيش جديد؟

طومسون: هومش جديد وبس .. دي قبلة !!؟؟

الحلقة الرابعة:

(أصوات جمهور في الملب تهتف للسويس)

صحفي ١: ايه يا استاذ يعني المعلم حازم بتاعك ما عملش حاجة

٢: انت ناسي ان ده أول ماتش رسمي ليه

١: اللي يسمعك وانت بتتكلم عنه يقول ياما هنا وياما هناك

٢: يا اخي واحدة واحدة دا يا دويك ١٧ - ١٨ سنة مش اكرر

١: الأمر لله (صوت الجمهور يعلو)

حازم: ايه الحكاية يا عماد . الكورة مش ماشية معنا خالص

عماد: قول يارب

حازم: يا سلام يا اخي على برودك أنا خايف الخواجه يشدنا من أولها

عماد: متخافش اللي قاعدين على الخط مفيش فيهم فراوده لأن معظمهم مصاب

يعني العب وانت مطمئن يا محترم

حازم: طب شوف اخوك في حاجة متبقاش ونج مقلب رفعه حلوه كوره ملعوبه

عايز اعمل حاجة الماتش قرب يخلص

عماد: احنا هنفضل نتكلم مع بعض ونسيب الماتش

حازم: لا طبعا افتح يالا على الونج واول ما تجليك ارفعها لاخوك وانا هاحط فيها

دماغي من غير مناقشة

عماد: وهو كذلك

(طارق يتابع المباراة تليفزيونيا مع صديق له)

صديق: ايه يا طارق اخوك ماله مخضوض كده

طارق: الله يكون في عونته بيلعب وسط فطاحل

صديق: أنا خايف يتصدم ويقعد

طارق (بصرخ في وجهه حيث انفرده حازم بالمرمي) يا اخي صلي على النبي

هايجيب جون ايه .. هيجيب جون (صوت الجمهور لحظة) يا خسارة

هاردلك يا حزوم جنب العارضة وعلى رأي الكابتن لطيف الجايات كتير

صديق: بس تعرف انه استايل لعيب فعلا

طارق: يا أستاذ فوق لنفسك طالع لاختواته وانزل شبرا واسأل علينا يا محترم

صديق: يا حلاوة يا دكتور وانت بتكلم في الكوره (صفارة الحكم)

طارق: يا حلاوة الماتش اللي انتهى زي ما بدا (صوت الجمهور فاصل)

(اصوات عصفير في حديقة النادي)

صوت: ايه يا عماد واقف كده ليه؟

عماد: مستني حازم

الصوت: انا شايفه قاعد جوه مع الخواجة طومسون في أوضة جهاز الكورة

عماد: (متوترا) أيوه أيوه يبقى زمانه جاي

الصوت: ايه يا بني مالك رايح جاي كده مش على بعضك

عماد: وحياتك يا رأفت تسيبني دلوقت

الصوت: كأنك مستني نتيجة امتحان

عماد: تقدر تقول كده (وهو ينهي الحوار)

الصوت: طب اهدى وتعالا اشرب حاجة

عماد: لا شكراً .. شكراً (بتوتر شديد)

الصوت: انا مش فاهم ايه اللي بيحصل وأنا اللي عايز اساعدك

عماد: ربنا يخليك

الصوت: هو فيه قلق مع المدرب ؟

عماد: ربنا ما يجيب قلق .. خليك محضر خير

الصوت: يعني امشي

عماد: معلش أعصابي تعبانه ما تأخذنيش يا رأفت . أصل الموضوع متعلق

بمستقبلنا عشان كده انا مش على بعضي

الصوت: تحب تشرب حاجة سخنه على حازم ما يجي

عماد: ربنا يخليك بعدين بعدين

الصوت: طب حاجة ساقعه

عماد: وبعدين يا رأفت (متضايقا)

الصوت: شكلك وانت متترفز يموت من الضحك (يضحك)

عماد: ماشي يا عم اظن هتقولي تشرب حاجة

الصوت: لا خلاص ماانت حرقتها

عماد: (فرحا) دلوقت بقى لازم نشرب حاجة وحاجات كمان تعالى عشان تدفع يا

جميل

الصوت: ايه اللي حصل . سبحان الله مغير الأحوال

عماد: بص وراك وانت تعرف

الصوت: دا حازم جاي باين انه طائر من الفرحة مش عايز تقول ايه الحكاية  
عماد: بصراحة بعد الماتش حطينا ايدنا على قلبنا وخفنا المدرب يرمينا على الخط  
ومنشمهاش تاني

الصوت: انتو فعلا كنتوا خايفين قوي امبارح وانتو بتلعبوا

حازم: (فرحا) صباح الخير يا رأفت

عماد: ايه يا حازم طمني

حازم: الخواجة قال بالحرف الواحد بالعربي المكسر بتاعه انتى لازم تاخذ  
الاتشس بتاعك

عماد: انتى مين؟

حازم: انتى وأنا (يضحكان)

عماد: وهنلعب ماتش الترسانه اللى جاي

حازم: يس وبالعربي نعم

عماد: هيبتيدي بينا

حازم: فعلا وهنلعب من أول الماتش

عماد: تفتكر هاننجح يا حازم

حازم: بأمر الله أنا من دلوقت مفيش في دماغى غير الماتش يوم ٢٣ سبتمبر اما  
يكون يوم ميلادنا أو يوم وفاتنا

عماد: يعني لازم يختارنا للعب في ماتش جامد زي ده

حازم: حظنا كده واللى تخاف منه ما يجيش أحسن منه

عماد: انت لسه وراك حاجة في النادي

حازم: لا أبدأ احنا من هنا على موقف البيجو دوغري عندنا مذاكره يا أستاذ مش  
عايزين ننجح في الملعب ونعملها في الدراسة

عماد: مش ممكن نأجل الثانوية العامة لغاية ما نقف على رجلينا في الملعب؟

حازم: تاجيل ايه يا محترم احنا قدها وقدود بإذن الله

### فاصل

(على بعد يتسلل الينا صوت الراديو وبرنامج أخبار خفيفة وبعد موسيقى  
المقدمة وجزء مسجل عن البرنامج يمكن أن نضيف خبرا يقول وتقام  
اليوم ثلاث مباريات في الدوري الممتاز لكرة القدم حيث يلتقي المصري  
مع المقاولون والمحلة مع الأولمبي والإسماعيلي والترسانة بملعب  
الترسانة وتعتبر أهم المباريات) جزء آخر من الأخبار)

الأم: ايه يا حبيبي لابس ونازل بدري كده على فين !

حازم: على الفندق اللي نازل فيه الفريق

الأم: انت خايف المدرب يكون زعل انك جيت نمت هنا وسبت زميالك؟

حازم: انا فهمته إن مفيش معاكم حد في البيت والراجل كان ذوق جدا معايا

الأم: ما لسه بدري على الماتش

حازم: لازم أكون موجود مع زميلي

الأم: هو عماد هيفوت عليك؟

حازم: لا عماد نايم معاهم

الأم: انا عايزاك انشاء الله أو ماتحط رجلك في الملعب تقرأ آية الكرسي وانشاء الله

النهاردة هتكون موفق وناجح وابقى قول ماما قالت

حازم: (ضاحكًا) طبعاً ماما قالت وهتفضل تقول وربنا يديها الصحة طولة العمر  
اما يا ماما لو حصل هتكون هديتك حاجة ماحصلتش

الأم: هدموم الكروة مكوية وجاهزة

حازم: ايوم فكرتيني يا ماما يمكن يجي واحد من أصحابي هنا من شبرا اسمه  
عباس لو سمحتي تديله الشورت ده أصل عنده ماتش ومحتاجة

الأم: (متردده) هو مش بتاع النادي

حازم: لا أنا اشتريت له واحد زيه بالضبط خفت يزعل مني ويظن اني مانع عنه  
الشورت

الأم: طول عمرك كده اللي في ايدك لغيرك

حازم: الخير عمره ما بيروح الله يرحمه بابا كان دايمًا يقول لنا اللي بيدي لازم ياخذ  
والحمد لله

الأم: مش عايزه عطلك يا حبيبي عشان توصل براحتك بالسلامة وادي شنتطك  
اهيه وفيها المصحف الصغير

حازم: ادعيلي ماما

الأم: قول يا رب

(جزء من أغنية هاني شاكر تدوم حياتك تعيشيلي) (أصوات متداخله)

على: حازم . حازم

حازم: ايوه يا كابتن على

على: النهارده يومك يا بطل

حازم: كل ميعاد المباراه ما يقرب قلبي بيقع في رجلي

على: لا يا كابتن لا يقع في رجلك ولا يقع في ايدك (ضاحكًا مغيرًا لهجة الحوار إلى الأهدأ) انت لعيب كويس ولازم تبقى واثق من نفسك وبإذن الله انا هتعاون معاك في الملعب على قد ما أقدر

حازم: نفسي أجيب جون يا كابتن عشان اسمي يتردد واكسب ثقة الخواجة طومسون

على: ثقتك في نفسك هي الأساس  
حازم: كله على الله

على: بس شطارتك يا حلو تلعبها من أول لمسة حاول تشوط على الجول وتطلع في الكور العالية

حازم: وأنا اقدر يا كابتن انت مالك الكور العالية  
على: تعرف انا ليه باجيب اجوان كتير بالهدد؟

حازم: احب اعرف أكثر

على: أول مالاقي الكوره جايه اكون متابعتها بعيني ولحظة ما هي مندفعة أكون انا كمان مندفع ناحيتها وأنشن على الحته المطبوعة اللي هتروح فيها وحاطط دماغي في الوقت المناسب

حازم: تلاقيها لبست في الشبكة

على: وساعات تلبس فوق العارضة أو في الأوت (يضحكان)

طومسون: (يصفق يجمع اللاعبين) كابتن كابتن دقيقة واحدة فيه كلمتين صغير قبل الماتش ممكن اسمع

أصوات: اتفضل يا كوتش

طومسون: أظن في التمرين الاخير كل شيء واضح كل لعيب عارف الشغل بتاع

هو

أصوات: أيوه

طومسون: لازم نعمل جيم كويس والماتش مهم جدا

صوت: دول شو اكيش يا خواجه (ضاحكا)

طومسون: (ضاحكا أيضا) وانتى كمان دراويش (يضحكون جميعا)

### فاصل

(أصوات المباراة من تليفزيون في البيت وهم يتابعون)

صوت: أنا مش فاهم حازم لسه كمشان في نفسه كده ليه؟

الأم: يا طارق بلاش قلق من أولها إن شاء الله هيعمل حاجة

الصوت: (معجبا) اهو مسكها أهو كده يا واد يا لعيب قوي لاخوك فعلا

طارق: ابشر يا عم اهي الغزالة راق

الصوت: طالما مشيت معاه من أول لعبتين يبقى حازم هيعمل حاجة ومستعد

أراهن على كده

طارق: بلاش قر

الصوت وطارق: (يقولان هذه الفقرة معا) يالا يا عماد . ارفع يا حلاوة ومد رجلك

يا علوة . حازم هناك اهه في الشمال يلا يا حزوم مستني ايه سجل (صوت

الجمهور مهلا لا يختلط بصوت طارق وهو يصيح) جون. جون الحمد

لله الحمد لله

(صوت الجمهور يهتف) دارويش .. دارويش

(صوت الجريدة في يد نهاد)

نهاد: ويعتبر الصاعدان محمد حازم وعماد سليمان مكسب كبير لفريق الإسماعيلي وبخلاف فوزه على الترسانة فهذان اللاعبان يمتلكان المهارات التي تضمنهما من الاستمرار في الفريق الأول للإسماعيلي بجداره أما عن الهدف الذي احرزته الناشي محمد حازم وكانت فاتحة خير للإسماعيلي فقد تسلم الكره حلوه من على أبو جريشة وأرسلها سريعة على يسار حسن على حارس مرمى الترسانة (تطوى الجريدة) وخدي عندك بقى يا ماما كل الجرايد بالشكل ده وشوفي صورة حازم منورة ازاي في الجمهورية

الأم: ربنا يحرسه لشبابه

نهاد: الناس في الحتة مالهاش سيرة غير حازم ونجاحه

الأم: أصل انا قلت له انه لما يقرأ آية الكرسي ربنا هينصره ويوفقه دايمًا خشى بقى يا حبيبتى وضبي الغدا زمان اخواتك راجعين من بره

نهاد: (بدهشة) غدا

الأم: ايوه الغدا

نهاد: انتى مش شامه ريحة شياط ؟

الأم: بانزعاج شياط ايه دي حريقة في المطبخ يا بنتي

نهاد: حريقة ....

(نهاية الرابعة)

### الحلقة الخامسة:

(يقدم أوراق مالية لوالدته وهو يقوم بعدها)

حازم: تلتشار . اربعتاشر . خمستاشر ستاشر

الأم: ايه دول؟

حازم: اول مبلغ اقبضه مع الفريق الكبير

الأم: ستشار جنيه

حازم: زي ما أخذتهم من النادي

الأم: مش هاتخذ حاجة ليك

حازم: دول يا دوب يساهموا في مصروف البيت لغاية ما ربنا يكرمنا بمكافات

الفوز والتدريب من هنا واريح هاكون أساسي ان شاء الله في الفريق الأول

اعملي حسابك وانتي مطمئنه على كده

الأم: يا حبيبي انا عايزاك تعيش شبابك وتفرح بأيامك وشهرتك

حازم: انتي شبابي وشهرتي

الأم: ربنا يكملك بعقلك

طارق: ايه الحكاية يا ماما ايه الكلام الكبير اللي باسمعه

حازم: اهلا يا دكتور اخبار الطب ايه شبرا في انتظار خدماتكم العظيمة

طارق: أخيرا يا حازم (بلهفة وشوق) بعد أسبوع واحد من دلوقت اخوك يتيقى

رسمي دكتور طارق

حازم: وناوي تتخصص في ايه؟

طارق: أمراض نسا وولادة

حازم: هايل يبقى من هنا ورايح اشجع زمايلي على الجواز وانت تشتغل يا بطل

طارق: اللي أنا عايزه منك بصحيح انك تحافظ على نجاحك اللي حققته مع الفريق

الكبير وتمسك الفرصة بإيديك واسنانك وبعد الجون اللي جبته في الترسانة

الجمهور هيستنى منك كثير

حازم: وحياتك انت أنا محضر لهم شنطة مليانه اجوان عارف يا طارق انا دلوقت

باحس اني مولود في إسماعيلية الناس هناك تحس معاها بالصحة والعشرة

أنا باحبهم بصحيح

طارق: ياه كنت هانسى أهم شيء

حازم: خير

طارق: معلش اكتبلي رقم جلوسك تاني أنا اعرف واحد في الكونترول يمكن

يجيلنا نتيجتك بتاعت الثانوية العامة من هناك

حازم: يا عم بلاش فضايح خلى الطابق مستور وبكرة تبان لوحدها

طارق: عايز اظمن عليك أول ما تعدي من الثانوية الطريق هيبقى مفتوح قدامك يا

ترى فكرت تدخل ايه؟

حازم: لا يا عم بلاش نقاطع وقول يا رب

طارق: هات بس رقم الجلوس

حازم: تاني هتقولي رقم الجلوس

طارق: ما احنا بنقول يا رب (ضاحكا)

حازم: الأمر لله

### فاصل

طومسون: برافوه برافوا عايز أقول للي ناجح مب مب (نسى الكلمة) حد يساعدي  
بتقولها ايه

احدهم: بنقول مبروك يا خواجه

طومسون ايوه هو دي اللي انا عايز نقوله مبروك «السكسيد» ..

احدهم: كلمنا عربي يا خواجه

الخواجه: يعني مش عارف سكسيد يعني ايه

نفس الشخص: اللي انا اعرفه ثاني سكسيد الكربون (ضحكات)

طومسون: بلاش جاتوه كتير

صوت: احنا فرحانين يا خواجه . ياكلوا حلاوة ياكلوا جاتوه ياكلوا كل إلا يحبوه

طومسون: اوكيه بس فيه وزن زيادة يبقى فيه جري زيادة

صوت: لا أنا احب الجري مطبوط (ضحكات)

صوت آخر: وأنا باجري على الريحه (ضحكات)

(صوت الحديدية)

حازم: ايه يا عماد استقرت على كلية ايه؟

عماد: زي ما مكتب التنسيق يودينا

حازم: قصدك على قد مجموعك مد رجلك

عماد: اللى فيه الخير يعمله ربنا

حازم: انا بقى غاوي شرطة

عماد: غريبة الحكاية دي

حازم: غريبة ليه . احنا دلوقت عايشين حياة قريبة من الميري يعني مش هاتفرق كثير

عماد: وظروف النادي والتمرين ؟

حازم: اظن فيه لعبه كثير درجة أولى ودولين طلبة في الشرطة وماشين كويس

عماد: عموماً دي رغبتك وربنا يوفقك ونشوفك زلبطة

حازم: لكن برضه هاقدم ورقي في مكتب التنسيق ماحدث ضامن الظروف

عماد: طب يالا نلحق نرجع مصر عشان نجهز الورق المطلوب

حازم: هاجيب شنتطي واحصلك

## فاصل

(المقهى)

حازم: صباح الفل يا سيد

ياسين: أهلا يا حمام ايه انت فين

حازم: القاهرة إسماعيلية وبالعكس

ياسين: الله يكون في عونك صحيح انت راسم على كلية الشرطة

حازم: عشان أبقى زميلك عندك مانع

ياسين: انت عارف ان القديم في الكلية / يبشكل على الجديد

حازم: يا عم نقبل الأول وابقى شكل زي ما انت عايز

ياسين: أنا باقول الآداب سهلة ولذيذة/ وتقدر تنجح فيها

حازم: لغاية دلوقت ما أقدرش احدد هاكون فين ربنا وحده هو اللي يعلم

ياسين: على رايك وكل شيء نصيب

صوت: احنا خايفين بس تنسى ولاد حتتك الشهرة بتقلب الدماغ وبنى آدم

ضعيف بطبعه

حازم: لا يمكن اتغير معاكم مهما حصل

ياسين: ويا ريت تفضل قهوة عبد الهادي / هي مكتبك على طول

حازم: باذن الله أنا لما باقعد معاكم على القهوة باتشحن وانزل الملعب اجري زي

الحصان

ثالث: وبالمناسبة لسه بتتغلب في الطاولة

حازم: في دي بقى مستحيل

الثالث: هاتخلص اللي عليك ولا نبداً من جديد

حازم: من جديد طبعاً

الصوت: هات الطاولة يا عم عبده (ضحكات)

فاصل وغناء

يا فرح معاكم

ودنيتي تفرح

والاقي شوقي الجميل

تبقوا حواليا ولا حواليكم

كل اللي في ايديا كأنه في ايديكم

شجر الوداد يخضر

شجر الأمل يطرح

الأم: خلاص يا حبيبي كل حاجة جاهزة

حازم: حطيتي معجون الأسنان يا نهاد

نهاد: والفرشة والورنيش وكل حاجة

طارق: يعني تقدر تقول ان معاك من الإبرة للصاروخ

حازم: ده ميرى يا دكتور مفيش هزار هناك

طارق: بس برضه لعيب الكوره ليه وضعه

حازم: الكلام ده بعد ما تخلص التدريب الأول

طارق: واخبار الحلاقه ايه

حازم: ياه فكرتني نسيت شعري خالص هانزل اروح للحلاق والله شعري

هيوحشني قوي

طارق: اجدا يا بطل هتبكي على شوية شعر

حازم: على رأيك حتى الواحد لما يبقى شعره قصير مفيش باك يعرف يمسه منه

طارق: هاتنزل للحلاق الأول

حازم: ضروري .. هيه الساعة كام دلوقت

طارق: اربعة ونص

حازم: يادوب عقبال ما أخذ دوري

طارق: ماتخافش ممكن أكلم لك الأسطى يمشيك بدري (ضاحكا) ولا أقولك

أول اتخش عليه قوله بوليس هتلاقي المحل كله فاضي

حازم: يا خوفى الأسطى هو كمان يجري وملاقيش حد يحلق لي

الأم: يالا يا حبيبي وعلى ما ترجع ياذن الله أكون حضرت لك لقمه عشان ناكل مع

بعض

نهاد: هادخل اسخن الأكل

حازم: مابلاش حكاية التسخين دي يا نهاد (ضاحكة بخجل)

نهاد: انت لسه فاكر

طارق: ودا يوم يتسى يا حضرة المحاسبة العظيمة قعدتي تتكلمي عن أخوكي

ونجاحه لغاية ما الأكل شاط والبوتاجاز ولع

نهاد: الحمد لله جت سليمة

الأم: ربنا عالم باحوالنا

حازم: طيب عن اذنكم سلام عليكمم (خطواته)

فاصل

ضابط: (بصوت جاد) اجمع الطلبة المستجدين هنا (خطوات عديدة) الساعة

خامسة الصبح عندكم طابور رياضة وسباحة بعد خمس دقائق طابور الفطار  
وبعده طابور تمام والنور ينطفي الساعة تسعة بالضبط سرية انتباه .. سريره  
انصراف (خطواتهم تتفرق)

حازم: خلاص يا ماجد مش قادر أقف على رجلي

ماجد: اجمد يا كابتن انت رياضي / امال احنا نعمل ايه؟

حازم: لا الموضوع بالشكل ده عايز اعاده نظر

ماجد: نظرايه احنا لسه في أول اسبوع

حازم: أول اسبوع أول يوم يظهر اني جيت هنا غلط

ماجد: ليك حق تزهق / الجو جديد علينا واحنا بتتعود على أسلوب مختلف

خالص / عن الحياة اللي عشناها

حازم: انا معاك النظام جميل والحياة عسكرية بتعلم الإنسان الطاعة والرجولة بس

ظروفي مختلفة

ماجد: يظهر انك واخذ الموضوع جد

حازم: جد جدا انا الصبح هاشوف الإجراءات المطلوبة واكتب طلب استقالة

ماجد: يا حازم فكر كويس / صحيح / احنا أصحاب / من أيام قليلة / لكن

الموضوع مش بالبساطة دي

حازم: انا عارف بس اعمل ايه؟

ماجد: طب يلا نستعد للعشا / والصبح رياح

حازم: وهو أنا هيجيلي نوم يا ماجد (وهو يتنهد)

## فاصل

### في مكتب الضابط

ضابط كبير: انا سمعت عنك كثير: عشان كده مش هاتكلم بصفتي مسئول في الكلية / هاتلكم كوالد اتفضل استريح يا بني

حازم: متشكر يا فندم

الضابط: تفتكر ان خروجك من كلية الشرطة / هيحل المشكلة

حازم: يا فندم انا حاسس في العشرة تيام دول اني نسيت الكوره

الضابط: بس ده مش دافع عشان تنسى مستقبلك / الكورة مش كل حاجة

/ مهما وصلت فيها .. لازم يبقى ليك عمل محترم تستند عليه

حازم: دا مطبوط

الضابط: يبقى ايه السبب الرئيسي في اصرارك على الخروج من الكلية

حازم: الالتزام شيء عظيم ونظام الكلية ممتاز لكن مش قادر انسجم مع الوضع

الجديد أنا حاسس اني اتسرعت في قراري

الضابط: انت فكرت كويس يا حازم

حازم: ابوه يا فندم

الضابط: ومصمم على رأيك

حازم: يا ريت تساعدني يا فندم .. ارجوك

(نهاية الخامسة)

الحلقة السادسة:

الأم: حد يصدق اللى حصل ده يا بني

حازم: فعلا يا أمي لا يمكن أنساهم دول أهم عشر تيام في حياتي

الأم: انت دلوقت مرتاح؟؟

حازم: ما قدرتش اتجاوب مع نظام الكلية

الأم: الخيرة في ما اختاره الله

حازم: الحمد لله على كل حال (ينادي) ايه يا طارق انت فين؟

طارق: جاي لك حالا

حازم (خطوات تقترب) مش تقولي عملت ايه خلاص هادخل آداب؟

طارق: يظهر ان قصص نجيب محفوظ واحسان ماثره عليك

حازم: يا طارق قولي أرجوك

طارق: ما عندكش فكرة تعبت قد ايه عشان موضوعك يخلص لكن ربنا وفقنا

وورقك دلوقت في كلية الاداب جامعة عين شمس وانشاء الله هتدخل قسم

علم نفس واجتماع

حازم: دلوقت أسافر إسماعيلية وأنا متظمن

الأم: والملوخية بالآرانب اللى عملها مخصوص عشانك

حازم: اخذ سندوتش لأن عماد في انتظاري أصله وحشني قوي وانا مشتاق للكورة

طارق: وشعرك ده

حازم: هاعمل ايه بكره يطلع على مهله

طارق: تحب اكتب لك حاجة عشان شعرك

حازم: يا عم خليك انت في امراض النسا والولادة

طارق: على كيفك احنا بس بنحب نخدم

حازم: نسيت أسالك ها حضر المحاضرات من امتي

طارق: يوم السبت تدفع الرسوم وتشتري المذاكرات وتبقى طالب رسمي

حازم: حلو قوي قسم علم نفس واجتماع أهو قريب من الطيب عشان محدش

يتمنظر علينا (ضحك)

### فاصل

حازم: (هامسا داخل السيارة) عماد .. عماد اصحى

عماد: (وهو يقاوم النعاس) ايه وصلنا إسماعيلية

حازم: خلاص قربنا يا أخي بقي من ساعة ما طلعتنا من مصر وانت واخذها نوم

قوم كلمني يا اخي

عماد: عندك حاجة مهمة عايز تقولها

حازم: عندي حاجات ... فاكر الطريق ده وأول مرة سافرنا فيها إسماعيلية

عماد: (وهو يقاوم النوم) فاكر طبعا .. بالأمانة كنت نايم زي كده (يتتاب)

حازم: وفاكر لما كنا بنحلم نلعب للفريق الكبير وصورنا تنزل في الجرايد

عماد: يا اخي دا وقت كلام

حازم: الحمد لله قطعنا مشوار كبير . ثبتنا رجلينا في الفريق والدور على المنتخب

القومي

عماد: انت عايز تلعب للمنتخب ؟

حازم: يا اخي دي عايزة كلام

عماد: حلو قوي يبقى سييني أنام عشان أحلم اننا بنلعب في المنتخب وانت كمان

نام واحلم

حازم: نام نام أنا أحب احلم وانا صاحي

(صوت السيارة وتعلو الأغنية)

يا صديقي . يا صديقي . يا نواره طريقي

الحلم بنرسمه والفرح بنقسمه

بحب كبير حقيقي يا صديقي يا صديقي

طومسون: على على

على: نعم يا خواجه

طومسون: فيه ملحوظ مهم خالص احب أقوله عليه

على: اتفضل

طومسون: انت عارف طبعا ان اللعبة الكبار في الفريق بيبتلوا اليومين دول

على: هي دي سنه الحياة

طومسون: وبالمناسبة الولد حازم ممكن يكون كابتن كويس

على: دا لسه عمره ٢٠ سنة

طومسون: موش مهم السن كام المهم فيه صفات قائد ناجح وانت شوف كويس

تلاقي كل التيم يحبه

على: هو فعلا كده . دا غير انه هدايف ولعيب عاقل

طومسون: هو له مستقبيل كبير . أنا يشوف كده

على: بإذن الله كلنا متوقعين له خير

### فاصل

(أصوات متداخله في الجاسعة)

حازم: صباح الخير

زميله: صباح النور

حازم: ممكن استلف منك كشكول المحاضرات

زميله: بدلال واشمعني كشكول المحاضرات بتاعي

حازم: عشان خطك وحش وما بعرفشي اقرأه (يضحك)

الزميلة: إذا كان كده معلهش بقى (تضحك)

حازم: بتفرجي على كوره؟

الزميلة: عارفه والله انك لعيب كويش ومشهور

حازم: وعارفه ايه كمان؟

الزميلة: إنك طالب على قد حاله

حازم: بس كده

الزميلة: كفاية

حازم: يبقى لسه مش ما عرفتيش كويس سيبك من حازم اللعيب أنا باكملك  
كزميلة يتردد (تعلو موسيقى)

الزميلة: وايه؟

حازم: وصديق

الزميلة: ومالك مكسوف كده

حازم: مش عارف رغم إني واخذ أواجه جمهور بالالاف

الزميلة: حاجة عجيبة صحيح

حازم: لا عجيبة ولا حاجة هو انا مش انسان عنده مشاعر وأحاسيس

الزميلة: دا كلام كبير يا صاحبي

حازم: اعمل ايه انتي مش واخده بالك خالص

الزميلة: مين قالك

حازم: تصرفاتك معايا

الزميلة: عايز الصراحة

حازم: يا ريت

الزميلة: كل اللي انت عايز تقوله أو قلته أنا كمان نفسي أقوله من زمان

حازم: (فرحا) وأيه اللي مسكتك

الزميلة: بصراحة خايفه انت راجل مشهور حواليك معجبين ومعجبات وأنا ما

حبش الزحمة

حازم: وأنا زيك بما احبش الزحمة واعشق الهدوء أنا عايز اتكلم أقولك حاجات  
كثير كتير

(موسيقى ناعمة وفاصل)

حازم: اتفضلي يا حاجة شيلي المبلغ ده معاكي

الأم: ما شاء الله ما شاء الله

حازم: ولسه يا اعظم أم في الدنيا

الأم: ربنا يكثر رزقك يا حبيبي ويوفقك ديماً

حازم: وأيه كمان

الأم: ويحقق لك كل احلامك

حازم: يا ماما والنبى ركزي شويه على أحلامي دي

الأم: ايه الحكاية يا حبيبي .. قول لأمك

حازم: مش دلوقت

الأم: يعني فيه حاجة عمجتك

حازم: (مقاطعاً) تقدري تقولي كده

الأم: طب ماتقولي يا ابني وتريحني معاك

حازم: هاقول كل حاجة والصبر جميل خلينا دلوقت في شوية الهدايا دي

الأم: وجبت ايه لنفسك؟

حازم: كفاية إني ألاقىكم مبسوطين

الأم: انت مش بتفكر تشتري عربية

حازم: العربية بقت ضرورية بالنسبة لي  
الأم: يبقى خلاص خد الفلوس دي عشان تساعد في تمن العربية  
الأم: وعماد راخر هيشترى عربية ؟  
حازم: ما انتي عارفه يا ماما قوله واتقسمت نصين  
الأم: وامتي انا شاء الله تجيب العربية  
حازم: قريب قوي .. بإذن الله (فجأة) ياه كنت هانسى أحلى خبر  
الأم: قول يا حبيبي  
حازم: أنا مرشح أبقى كابتن الإسماعيلي  
الأم: بتتكلم جد  
حازم: امال ايه يا أم طارق احنا عيال حلوه ونعجبك قوي (ضحك)

### فاصل

صوت عامل: يا كابتن يا كابتن  
حازم: أهلا يا حنيق  
الصوت: عندي لك خبر هايل هيسطك جدا  
حازم: يعني تستاهل عليه بدلة تدريب جديدة  
الصوت: طول عمرك كريم معايا  
حازم: ايه بقى الخبر  
العامل: المدرب الألماني هيدر جوت باعت لك

حازم: دا مدرب المنتخب القومي

العامل: وفيه جواب عشانك (يقرأ منه وبين وبين نفسه)

حازم: اهي دي الخطوه اللي كنت مستنيها

العامل: يعني استاهل البدلة

حازم: ومش أي بدلة

العامل: يا كابتن انا راجل عامل ولو بدلة تدريب نص عمر يبقى كتر خيرك

حازم: وحياء غلاوتك يا حنديق وعشان خاطر الخبر الجميل ده هاشتريلك أحسن

بدلة تدريب زي اللي بنلبسها بالضبط

العامل: ربنا يزيدك كمان وكمان يا أبو الكباتن يا عسل

حازم: أمال فين عماد سليمان

العامل: كان يبصلي الظهر

حازم: اما أروح احصله قولي يا حنديق ماتعرفش مين تاني اخدوه المنتخب

العامل: انا سمعتهم بقولوا أربعة لعيبه

حازم: منهم عماد سليمان؟!

العامل: هما يقدرُوا يسيبوه (يضحك مجاملا)

## فاصل

(وهو يكتب مذكراته)

صوت حازم: وقد حاولت قدر الإمكان أن أثبت اقدمي في صفوف الفريق

القومي أما عن دراستي فهي تسير والحمد لله ولكن بخطى بطيئة إلى حد ما  
لأن اهتماماتي الكروية زادت ولكل شيء ثمن

نهاد: نحن هنا يا أستاذ

حازم: أهلا يا نهاد تعالى

نهاد: شايفاك منهمك قوي . يا ترى مذاكرة ولا ؟

حازم: الحقيقة هي مش مذاكرة هي مذكرات وخواطر هو الواحد ساعات يحب  
يعبر بالقلم عن حاجات جواه

نهاد: مش هتوريني ست الحسن والجمال؟

حازم: نعم

نهاد: على اختك برضه على الأقل نفرح لك ونشوف ذوقك الجميل

حازم: اطمني يا نونا أخوكي ما يقعش غير واقف

نهاد: يعني نقدر نقول انك لقيت نصك الثاني

حازم: الكلام ده سابق لأوانه الأول طارق يتجوز وبعدين حضرتك وأنا بقى  
الآخر خالص

نهاد: لازم بالترتيب يعني

حازم: مش عملية ترتيب .. هي دي الأصول .. وجهازك هيكون أحسن جهاز في  
الدنيا وفي كل رحلة أسافرها اجيب لك حاجة لغاية ما يبقى عندك من  
الابرة للصاروخ

نهاد: يا حبيبي يا أحسن اخ في الدنيا لازم تراعي نفسك انت كمان

حازم: لغاية دلوقت كفاية العربية واديني جبت الفيديو دا أنا كمان نفسي أساعد

طارق انه بفتح عيادة ونفسي ونفسي . ونفسي في كويابة شاي من ايدك  
الحلوه

نهاد:حالا

حازم: بس تقفي على البوتاجاز لغاية ما تعملها (تضحك)

(فاصل موسيقي ناعمة)

حازم: يكلم نفسه لكن ازاي احقق كل ده ازاي ابقى مستقر نفسيا والواحد مش  
ضامن نفسه ممكن يصاب أي وقت ويقعد على الخط ازاي الواحد يامن  
مستقبله ومستقبل اللي حوالية اسئله كتير كتير لازم يا حازم تلاقي لها اجابة  
عشان خاطر أمك واختك وأخوك . لازم يا حازم

(نهاية الحلقة)

## الحلقة السابعة:

(أصوات متداخلة)

حازم: ممكن تسلفيني كشكول المحاضرات بتاعك

زميله: جرى ايه يا كابتن انت أخذت كل الكشاكيل بتاعتي

حازم: صحيح

الزميلة: ان كنت ناسي أفكرك

حازم: أنا دايمًا فاكِر

الزميلة: امال ايه حكاية الكشاكيل اللى دايمًا تطلبها

حازم: عشان تعرفي اني حريص على مستقبلي .. دا إذا كان يهملك

الزميلة: لو كنت صحيح حريص على مستقبلك توعدني انك تخلص الدراسة في

أسرع وقت

حازم: وبعد ما أخلص الدراسة

الزميلة: يعني (بدلال) تشوف مستقبلك

حازم: وإذا كنت شايفه دلوقت قصاد عيني

الزميلة: يبقى تطلب مستقبلك من أبوه

حازم: هو فعلا اللى لازم يتعمل بس انا مستني أجوز اختي نهاد وضميري يستريح

وبعد كده أفوق لنفسي أنا في دماغى أحلام ومشاريع كتير

الزميلة: واجوان

حازم: لو قلت لك حاجة تصديقتها

الزميلة: احاول

حازم: شوفي أنا جبت اجوان قدايه وخذت هدايف الدوري كام مره لكن أحسن

جون في حياتي هو انتي

الزميلة: دخلنا بقى في الكورة يا عم انا مش قدك

حازم: انتي حاجات كتير بالنسبة لي أنا من ساعة ما عرفتك بافكر في مستقبلي بطريقة

جديدة خالص

الزميلة: الحمد لله

حازم: وقریب قوي هاترجم كل أفكاري لحقيقة أنا حاسس اني اديت رسالتي

ناحية أسرتي وان الأوان ابص لنفسبي

الزميلة: انت انسان نادر

حازم: مش هاكذب عليك لوقلت لك قدايه بالاقى نفسي وأنا باساعد زمائلي

وأصدقائي وأهلي

الزميلة: بس اللي بيدي لازم ياخذ

حازم: عمر الخير ما بيضيع أنا مؤمن بكده جدا

الزميلة: وان شاء الله هتفضل تتكلم للصبح ومش حتروح التمرين بتاعك

حازم: وعارفه مواعيد تماريني كمان

الزميلة: ومواعيد محاضراتك أنا عايزاك تبقى ناجح في الملعب وفي البيت

والشارع والقهوة اللي بتحب تقعد عليها ما اصحابك

حازم: قصدك مكتب الاتصالات (ضحكات)  
الزميلة: لسه عايز الكشكول  
حازم: هو أنا أقدر استغنى عن أهم كشكول في حياتي

(موسيقى ناعمة)

حازم: كابتن شحته يا كابتن  
شحته: أهلا حازم ايه الأخبار  
حازم: عال العال أنا عايز أخذ رأيك في موضوع مهم جدا  
شحته: قول يا سيدي

حازم: انت عارف ان العقد بتاعي في الإسماعيلي بـ ١٦٠ جنيه مع المكافات  
وعارف برضه الالتزامات الكثيرة اللى في رقت كل لعب فينا  
شحته: عارف عارف وادينا بنحاول نصلح اللايحة

حازم: بس انا النهاردة جاي عشان أقولك واحد صاحبي يلعب في الإمارات جاب  
لي معاه عقد للعب هناك بـ ١٥٠ ألف دولار وودي أكبر فرصة تأمين مستقبلي  
ومستقبل أسرتي أنا قد قدامي مشروع جواز وعايز اللعب وأنا مرتاح  
شحته: مش عارف أقولك ايه يا حازم أنا طبعا مش ضد تأمين مستقبلك وانك  
تستثمر نجاحك وشهرتك لكن تفتكر مجلس إدارة النادي هيوافق يدبك  
استغنا وانت كابتن الفريق واهدافه

حازم: هنا بقى دورك  
شحته: يا راجل حرام عليك عايزني افرط فيك بالسهولة دي

حازم: طب ازاي تحل المشكلة

شحته: قولهم مثلا يخلو العقد بنص مليون

حازم دا تعجيز بقى يا كابتن

شحته معلهش يا حازم أنا صريح معاك

حازم: يعني اعمل ايه

شحته: حاول ولواني مش عايزك تنجح في المفاوضات دي لأننا محتاجين لك  
فعلا

حازم: يا كابتن مفيش فرقة بتقف على لعيب واحد مهما كانت امكانياته وكلها سنة  
وارجع تاني للإسماعيلي اللي اتريت فيها ارجوك خليك واقف جنبى أنا  
مش عايز اتحطم

شحته: وبعدين بقى هتخليني أقول من قلبي ربنا يوفقك

حازم: يعني غيرت رأيك يا كابتن

شحته: قول يا رب

حازم: يا رب

فاصل

(دق على الباب)

الأم: شوفي مين يا نهاد

نهاد: حاضر يا ماما (خطوات وتفتح) دا عماد .. اتفضل يا عماد

عماد: صباح الخير

الأم: اهلا وسهلا . حازم نايم هادخل أصحيه

نهاد: تشرب شاي يا عماد؟

عماد: ويا ريت سندوتش صغير لأنني نزلت من البيت من غير ما أكل

الأم: فيه حاجة حصلت

عماد: موضوع العقد بتاع حازم

الأم: انا كنت عارفه ان النادي مش هيوافق

عماد: المسألة مش وقوف ضد مصلحته .. الناس كلها متمسكة بيه (ضاحكا)

وبصراحة لو كان جاب لي معاه عقد أنا كنت كمان كنت غيرت رأي لكن

دلوقت مش ممكن أسيبه يسافر واقعد هنا اقشر بصل لوحدي

نهاد: هادخل اجييلك شاي وسندوتش

عماد: أنا داخل لحازم عن إذنك يا ماما

عماد: (خطوات ويفتح الباب) .. لسه نايم يا معلم لغاية دلوقت

حازم: (وهو يقاوم النعاس ويتأثب) أهلا يا عمدة تعالى

عماد: انت ناوي تضرب النادي طبنجة ولا إيه؟

حازم: زهقان يا عماد مش متصور فرصة زي دي تفلت من أيدي

عماد: وليه مش متصور ان النادي عايزك ومش قادر يستغني عنك

حازم: يا عماد الحياة فرص والعقد اللي جاللي مش ضامن أشوفه تاني

عماد: انت طول عمرك قلبك كبير واللي في ايدك مش ملكك

حازم: انا معاك في كل اللي يتقوله بس من حقي ارتاح ومن حقي أشوف مستقبلي  
عماد: خد الأمور بهدوء يا معلم وان شاء الله ربنا هيكرمك من أوسع الأبواب  
حازم: بيني وبينك انا كمان بيعز علي اسيب النادي ولو هاخذ كنوز الدنيا لكن  
الفلوس مهمة ومطلوبة  
عماد: يعني رجل بره ورجل جوه  
حازم: وعين في الجنة وعين في النار

### (فاصل)

حازم: (المقهى) مسا الخير يا جماعة  
خالد: أهلا يا أبو الكباتن (أصوات القهوة والجرسون)  
خالد: بقى يا راجل عايز تسيينا وتسافر  
حازم: خلاص يا خالد مفيش سفر والموضوع انتهى (يصفق صائحا)  
خالد: أهو كده الكلام هو السمك يقدر يعيش بره المية هات هنا حاجة تشربها  
عشان الكابتن حازم  
حازم: امال فين المعلم عبده انا مش شايفه في القهوة  
خالد: بيقولوا عيان شويه  
حازم: معقول الكلام ده يبقى لازم نروح نشوفه  
خالد: بس انت عندك ماتش بكرة ومفيش وقت  
حازم: ولو .. كل حاجات تستنى إلا الواجب

خالد: طيب نشرب الساقع ونمشي

حازم: لا ساقع ولا سخن يا لاروح نزوره ونيجي

خالد: الأمر لله سك على المشاريب يا بني

(المقهى وصوت حديقة وفاصل)

(فاصل)

حازم: عندي اخبار حلوة كتير

زميلته: قول وفرحني

حازم: شوفي يا ستي بعد موضوع العقد ما فشل أنا فكرت كتير في تأمين مستقبلي

عشان بنبي العش السعيد ولقيت فيه شغل كتير ممكن الواحد يعمله هنا في

مصر

زميلته: أهو كده الكلام

حازم: نمرة واحد قدامي مشروع توريد صلصة ومعلبات لشركة من شركات

الاستثمار نمرة اتنين ناس اتكلموا معايا اننا نفكر في مشروع سياحي في

الإسماعيلة والمحافظ ربح جدا بالفكرة

زميلته: ما شاء الله

حازم: انت وشك حلو على

زميلته: مع اننا لسه على البر امال بقى لما نتجوز مش هتلاحق على الخير (في دلال)

حازم: هو أنا مستعجل على الجواز من شوية (ضحكات)

زميلته: وبعدين

حازم: مشروع تاني للدعاية والإعلان وانتي يمكن سمعتي عن لعبية كتير زمايلي  
سواء في الأهل أو الزمالك عاملين المشروع ده

زميلته: لكن لسه ما تكلمتش عن أهم مشروع في حياتك

حازم: فاهم فاهم قصدك الدراسة أوعدك أن السنة دي في شهر يونيه يكون  
ليسانس الآداب في ايدي أنا ناويله بإذن الله

زميلته: كده يبقى الكلام مضبوط

حازم: ودلوقت نفكر سوا في ميعاد مناسب نعلن فيه الخطوبة

زميلته: أنا سعيدة قوي يا حازم

حازم: وأنا سعيد أكثر وحاسس ان احلامي كلها اتحققت طارق بقى دكتور هايل  
وماما راحت تحجج ونهاد اتخرجت وقريب تتجوز وأنا لقيت نصي الحلو

زميلته: بس بس امسك الخشب ما يحسد المال إلا اصحابه

حازم: وعشان العظمة دي كلها يلزمننا نغير العربية واتفقت مع واحد معرفة أن  
أخذ عربية بيجو جديدة

زميلته: ما تسيك من البيجو

حازم: انتى ناسيه ان بقالي سنين باتعامل مع البيجو وقولي يا رب الأعمار بيد الله

زميلته: ياه أنا اتاخرت خالص

حازم: طيب تعالى اوصلك في سكتي عشان عندي مشوار مهم (شوارع)

زميلته: الله ايه البدلة السودا اللي في العربية دي انت جيت بدلة الفرحة من ورايا

حازم: لا أبدا دي هدية لزميلي جمال مرسي بمناسبة اعتزاله

زميلته: دي شيك قوي

حازم: هاجيب زيها ان شاء الله  
زميلته: لا أنا عايزاك تلبس بدله بيضاء في الفرح  
حازم: ان شاء الله هالبس بدلة بيضاء وهتكون سنة بيضا وأيامنا كلها بيضا بس مش  
بيض مسلوقة طبعاً (ضحكات)

(فاصل)

(أصوات متداخله مع اللاعبين)

راجل عجوز: روح يا شيخ ربنا يسترها معاك ويزيدك من نعيمه ويكتب لك في كل  
خطوة سلامه

حازم: اه والنبي يا عم أحمد أهم دعوه في كل خطوة سلامة  
الرجل: انت اللي دايماً فاكربي ولولا مساعدتك ليه كنت تعبت أنا والعيال  
حازم: عم أحمد في أي وقت تعوز حاجة اطلبها مني أنا زي ابنك بالظبط  
عم أحمد: تعيش يا شهيم يا امير

حازم: عن اذنك أحسن زمايلي في انتظاري

عم أحمد: مع السلامة يا بني ربنا معاك

(أصوات متداخلة في النادي)

صوت: ايه يا معلم حازم ما شاء الله الفورمة في العالي اليومين دول  
حازم: ولسه يا حضرات ان شاء الله هنكسر الدنيا (بتنهّد) كان نفسي نوصل نهائي  
أفريقيا واشيل الكاس

صوت آخر: ايه رأيك تاخذ الدوري

صوت ثالث: هو ما حدش متكلم عليه (ضحكات)

حازم: شفتم العروسة الجديدة اللي جنبناها

صوت: بيجو ٥٠٤ انما ايه عقبال العمدة ما يغير عزيزة بتاعته

عماد: لا يا سيدي أنا عربيتي ما أقدرش أغيرها

حازم: مين هيجي معايا في سكتي

صوت: والنبي يا حازم تاخذ معاك على أغا ومحمود جابر

فاروق: وأنا يا ترى ألاقي مكان فاضي معاك يا كابتن أنا برضه نازل مصر

صوت: لا خلاص حمدي نوح ومحمد حسن هيقعدوا مع حمادة الرومي

حازم: يبقى حلال عليك الكرسي يا عم فاروق

صوت: يعني كرسي الوزارة يا خي (ضحكات)

حازم: أنا ماشي بقى يا جماعة

أصوات متفرقة: مع السلامة يا كابتن

حازم: أنا ماشي

مرة اخرى معا: في طريق السلامة

حازم: يالا يا جماعة توكلنا على الله .. كده كويس قوي

(السيارة تبدأ السير وتسير)

(النهاية)